

Недосекин — начальникин „күчән“ үзүлдж

Деел бийәс дулан сальки үләгъяд, шар парна күчид цаси хәәләд, үвлз-нэгәси гарч, малчир, хөбчир идгтә газрур малаи идгшлүлх—ик байрта бәәси цагла, Целини района милицини начальник Недосекин Василий Алексеевич бас байр кедж, „Степной“—совхозд участковой милиционер бәәдг Пугачевиг дуудж авад келв:

— Байрлси керә бәәдг, биди хаврин байр кехми. Хама көдлси газр-тан үр, иньг таньлта йовдг күмб. Хол газриг бөрхдг мөрн-эрднь, хойр күүг иньг кедг күүки-эрднь, хойр залуг таньлдулдг халуи хар идән.

Оли джилд милицини халхар көдлси, начальникүдиңи закаг нүди ирмтл күңәдг дасси, теднә урлини товч көндрагәнлә үгини утхинь меддж дасси Пугачев, „халуи хариг“ авхар хавг ордж гүүв.

Сер-сер салькта, бүрүлини гегән тасри гилжәх цаглә, зөвәр халмгъа болчкси Недосекин В. А. Пугачев хойр „Степной“—совхозини хөбнә хоше төгәлхәр, машигъәр гүүлгәд гарад одв.

— Энд мини сән таньл хөбч бәәнә, энүнә хошур йовий?—гидж Пугачев начальникдән келв.

— Кемб терчи?—гидж Недосекин сурв.

— Романенко Василий Евдокимович гидг күн. Йир сән күүплә инитә залу,—гидж Пугачев хәрү өгв.

— А! а! Би түүнәни тускар „Степной“—совхозини директор Монак Василий Степановичас сонъслав. Көбрк терчи, үвләгъя, хәрүлджәси хөбнәси брәл шахугъинь геечкәд, сар даву болад, Хар-газрини бөрәс олдж авси билә. Зуг хөри зургъан хөн ода бийнь олад угадж. Тегәд Василий Степанович напас: Романенкин геедрси хөд хәәхд нөкд оол... Ачичи мартхи уга—гидж сурла...

Романенкин хошур эди орад ирв.
— Менд, хөбч!—гидж кели, милицини начальник—не, геедрси хөбдән

цугтнь олдж авбувч?—гидж сурв.

— Хөри зургъан хөн дутджана... Не, герт орти,—гидж эни залу келв.

Удси уга, таргън хөбнә мах чанад, шилтә әрк гаргъж авад, стол дсерән тәвчкәд,— „залус гич болти“,—гив.

„Ундасдж йовлавди, нам гәәвгъя гидг тааста хот болвл“—гидж Пугачев кели, начальникән өмәрән суулгъв.

— Үзл-таньл, амрг үүрмүд болдж йовий!—болад Романенко стаканта әркән харгъулчкәд, нег амар уучкв.

— Тингий, тингий,—гидж кели, Недосекин бас әркән уучкв.

Дакад неджәд дарчкәд, Романенко сурв: „Не, үүрмүд, геедрси хөбдим хәәдг олхд, нег аргъ кети“.

— О! о! Терчи джаньгърта төр биш. Би үнрч нохагъас дсерәр меддж олхв—гидж кели Недосекин Романенкәс сурв:

— Не, чи хама, ямаран хөбчир меднәч, кениг харлджанач?

— „Лимани“—совхозини, хойрдгч фермд Муудан Баатр гидг хөбч бәәнә. Би түүг харлджанав. Бийнь одахн иүүдг ирси күн.

— Холий терчи?—гидж Недосекин сурв.

— Дегд хол биш гучи-дөчи дууна,—гидж Романенко келв.

— Не, одакаси нег ке, дакад неджәд дарчкий,—гидж Недосекин кели. „Көбси керг күңх болтха“—гидж йөрәл тәвчкәд, стаканта әркиг уучкәд, Недосекин Романенкәд келв:

— Тер өлгәтә бәәси хойр амта хавалан сумтагъинь ав, зер-зев кергтә. Йовцххми...

Өрин гегән газрт унад уга бәәтл, халмгъа залус, Муудан Баатрини хошур гүүлгәд орад ирцхәв.

Хойрнь нагагъан гартан авчкәд, негнь хавалан үзүләд, хө маңжаси Баатриг гаринь өргүләд зогсачкәд, милицини начальник майор Недосекин хәәкрв:

— Чи, Муудан Баатр, хулхач күнч.

Чамаг би даки Сивр орулад түүрмүр тәвнәв. Мини бәәси газрт хулхач күн бәәдм биш. Бичә көндр!.. Үзджәнч эн нагаг?.. Чамаг көндрхләчи дорчн хачкхв! А, чи Романенко, 26 хө таслдж авад, туугъад хәр!

Недосекин, Пугачев хойр Муудан Баатриг гаринь арднь боогъад, герүрнь туугъад авч ирчкәд, бешин бөр буру хәләлгъад зогсачкәд, гаринь негджв.

Кергән күңәси, ик байрта Недосекин, Целини нутга Советини күңәгч комитетини ахлач Сидько Константин Гавриловчд ирдж келв:

— „Степной“—совхозини геедрси хөбдиг би олув.

— Хамагъас?—гидж ахлач сурв.

— „Лимани“—совхозд Муудан Баатр гидг халымг залу хөбч бәәдг. Хөбдиг тер хулхалдж авси бәәдг. О! О! чон хәләнтә,—гидж Недосекин Сидькод хәрү өгв.

— Прокурорас заавр угагъар, кү негджәд, күчәр мал буладж авдг йоси бәәдв?—гидж сурхла, К. Г. Сидько келв.

— Гертән бу бәрәд, хулха кедг күүнд, юн прокурорини заавр күләгъәд бәәдв. Недосекин чик кедж.

Эн төрт Халымг таньгъчини прокурор орлцад, сара хонгт сурвр, цәәлгъвр кегъад, чик хаджгъринь олв.

— Хаджгърар Муудан Баатриг харлджт. Энти хулхач биш, цевр күн гидж, буладж авси 26 хөбгъинь хәрү Баатрт өгүлв.

Недосекин ода Романенкин гееси 26 хөбг хамагъас олхар бәәнәт?

Хойрдврар, мана оли-әмтнә интернациональн бәәдлиг хәләдг харджах милици Недосекин цааранднь бәәдг чадхий?—гидж сурджанав.

БОСХМДЖИН ДОРДЖ.

РЕДАКЦАС: Эн Недосекин, Пугачев хойр гаргъси бус-хаджгър йовдәдан ода күртл засгла эс харгъдгтнь, редакцикәр алнь болдж өврджәнә.